

cumque studiosis omnibus Italicarum historiarum  
frequentior Tomi istius usus inde sit futurus, ex  
assiduo sacræ imaginis Tuæ aspectu devotionis  
nostræ par erit testimonium. Accipe igitur,  
**PRINCEPS EMINENTISSIME**, benigno, quo  
soles, animo munus hoc nostrum, nullo adulatio-  
nis fuso ad gratiam captandam adumbratum :  
similia nempe abominaris, vel deducantur a Ge-  
neris nobilitate, quam habes, vel a morum ca-  
stigata disciplina in ipsis florentibus annis, quos  
in cultu Musarum exegisti, vel a doctrina, quam  
evo maturiori perpetua Philosophorum, ac Theo-  
logorum lectione comparasti, ne dicam de latini  
sermonis elegantia, qua soluta, metricaque ora-  
tione politissimè scribis. Tua quidem hæc sunt,  
sed ad hominem pertinent. Quæ ad Archiepisco-  
pum, erunt potiora ob communem utilitatem,  
quam nobis afferunt; patere igitur, ut paulli-  
sper Homilias memorem, quibus Mediolanensem  
populum recreare soles, facundia vernaculae qui-  
dem linguae, sed altitudine Theologicæ doctrinæ  
cum Græcis Latinisque commendatissimis com-  
parandas, atque inter ceteras novissimam, quæ  
in animis omnium insedit, cum ad Metropoli-  
tani vastissimi Templi maximam Aram cœlestis  
gratiae copiam dispensaturus hoc anno Jubilæi  
animos omnium ad rem tantam præparatus,  
veluti supremus exercitus Dux, legatos tuos in  
in omnes urbis regiones emissurus, manibus  
tuis adorable Christi signum commilitonibus  
tradidisti, ad bellum vitiis omnibus inferen-  
dum,